

EXHIBIT B: Taratasy Fanomezan-dalàna

<p>Izaho, (olona nohadihadiana), _____, dia manaiky tokoa fa nanome (1) ireo mombamomba hita ao anatiny fafana mikasika ny tetiarana, ireo firaketana am-peo/ horonan-tsary (“Firaketana”), (2) ireo firakatena orizinaly sy sary (“Firaketana Orizinaly”) ary ireo sary nomerika (“Sary Nomerika”) mifanaraka amin’ireo (ny Firaketana, ireo Firaketana Orizinaly ary ireo Sary Nomerika dia ho antsoina hoe “Pedigree” avokoa). Amiko dia marina, feno, ary manaraka toetr’andro avokoa ireo tahirin-kevitra izay nampitaiko ireo.</p>
<p>1. Izaho dia manambara sy manome toky fa nampafantarina ahy ary mahalala ny tanjon’ny FamilySearch International (“FSI”), izay orinasa tsy mitady tombombarotra, voasoratra ao amin’ny Fanjakan’i Utah, Etazonia, izay hita ao amin’ny 50 East North Temple Street, Salt Lake City, Utah. 84150, Etazonia, ny amin’ny fanangonany ireo Pedigree sy ny tahirin-kevitra izay ao anatiny aho. Ireo tanjona (“Tanjona”) ao anatinin’izany: ny fitehirizana, ny famoahana, ny fanamorana ny fisantarana, ny fanamafisana ny fifamatoran’ny fianakaviana; ary ny fahatakarana, ny fandrosoana sy ny fanamorana ny fikarohana tetiarana sy tantaram-pianakavina.</p>
<p>2. Izaho dia nanome alalana ny amin’ny famoronana sy fampiasana ny sariko sy ny feoko izay ao anaty Firaketana (ary amin’ny toe-javatra hafa misy, dia manome alalana ihany koa ny famoronana sy fampiasana ny sary na feon’ny zaza tsy ampy taona izay maha ray na reny na mpiahy ara-dalàna ahy ao amin’ny Firaketana), ao anaty ny kopia nomerikan’ireo Firaketana Orizinaly ary ireo famoronana ireo Sary Nomerika. Mihaiky ary manaiky aho fa izaho (na ny zanako tsy ampy taona) fa tsy handray onitra/tombontsoa ara-bola izay avy amin’ny zo na fahazoan-dalàna nomena, na ny zo rehetra izay mety haterany.</p>
<p>3. Izaho dia maname an’i FSI ny fazahoan-dalàna maimaim-poana, tsy azo ivalozana, maneran-tany, azo hafindra, mba hamoahany, hamokarany, hanovany, hampifanarahany, handikany, hamoronany sangan’asa (ao anatin’izany ny “index” elektronika), hizarany, hampiasany ary hanehoany ny Pedigree, na ny ampahany aminy, na ireo tahirin-kevitra ao anatiny, ao anatin’izany ny tahirin-kevitra rehetra heverina ho saro-pady araky ny lalàna mifehy ny fiainana manokana, izay nofidiko homena ny FSI amin’ny fomba maharitra sy ho an’ny tanjona ara-dalàna, tsy misy fetra (afa-tsy ho an’ny angon-drakitra manokana, raha tsy maintsy ilaina izany hanatratrarana ny Tanjona), ao anatin’izany ny famoahana na fandefasana amin’ny aterineto ho hita ampahimbemaso, mba ahafahan’ny FSI sy ny mpampiasa azy, na ny mpahazo alalàna, na ny mpandimby azy na ireo manan-jo sy ireo fikambanana mifamatotra aminy misantatra sy mahazo ireo ho an’ny fikarohana tetiarana.</p>
<p>4. Izaho dia manambara sy manome toky fa, ny angona famatarana manokana, anisan’izany ny tahirin-kevitra saro-pady, izay nampitaiko momba ireo olona hafa ankoatran’ny tenako izay mbola velona (“Ankolafy Fahatelo”), dia nazahoako alàlana mazava avy amin’izy ireo avokoa mba ahafahana mamoka ireo tahirin-kevitra ireo ho an’i FSI ary mba ahafahana mampiasa ireo tahirin-kevitra ireo ho amin’ny Tanjona natokana ho an’izany izay voasoritra ato amin’ity Taratasy Fanomezan-dalàna ity (raha ohatra ka zaza tsy ampy taona ny Ankolafy Fahatelo izay izaho no ray na reny na mpitaiza ara-dalàna, amin’izay dia manome alalana amin’ny anaran’izy ireo aho). Ho fanampinin’izay dia manambara sy manome antoka ihany koa aho fa ireo Firaketana Orizinaly izay azoko ara-dalàna dia Firaketana tany am-boalohany ary tsy mandika ny zon’ny hafa.</p>
<p>5. Izaho dia manome alalana ny FSI hanangona, hitantana ary handefa ho any Etazonia (na amin’ny firenena hafa izay tsy manana lalàna hentitra kokoa mikasika ny tsiambaratelo noho ny lalàna eto amin’ny firenena misy ahy) ny Pedigree sy izay tahirin-kevitra rehetra izay misy ao anatiny. Manaiky aho ny hanangonana, ny hampiasana, ny hikirakirana, ny hamoahana ary ny handefasana ireo angona famantarana manokana mifandraika amin’ny Tanjona sy amin’ny fomba fitahirizan’ny FSI azy mandritra ny fotoana rehetra ilaina hanantanterahina ireo Tanjona ireo.</p>
<p>6. Izaho dia manambara ary manome toky fa manana ny fahefana, fahazoan-dalàna ilaina hanekena sy hanomezana an’i FSI ny zo, ny fazahoan-dalàna rehetra izay voatanisa eto sy ireo voatanisa ao amin’ny andalana faha-telo.</p>
<p>7. Izaho dia manambara ary manome toky fa ny vontootin’ity taratasy ity dia nohazavaina tamin’ny fiteny haiko ary azoko tsara. Manambara sy manome toky ihany koa aho fa namaky sy nanaiky ny filazana momba ny fiainana manokana an’ny FSI, izay azo jerena ao amin’ny https://www.familysearch.org/legal/privacy. Fantatro tokoa fa azoko hatao ny mikaroka ireo tahirin-kevitra momba ny zon’ny fampahalalana, anisan’izany ny zo hanaisotra ny fanekeko amin’ny fikirakirana ny mombamomba ny tenako manokana, amin’ny alalan’ny FSI ao amin’ny dataprivacyofficer@familysearch.org.</p>
<p>_____ (Sonian’ny Olona Nohadihadiana sy Daty)</p>
<p>_____ (Anarana Feno)</p>
<p>_____ (Vavolombelona Famatarana Manokana)</p>
<p>Raha tsy afaka manao sonia ilay nohadihadiana dia asaivo manisy marika “X” na marika manokana eo ambony ary mangalà olona iray ho vavolombelona hanatrika sy hanasonia izany marika izany.</p>
<p>_____ (Sonia ny Mpandika teny)</p>
<p>Raha tsy afaka mamaky na mahazo ny votoatin’ity taratasy ity ilay olona nohadihadiana dia asaina manao sonia eo ambony ilay olona nandika teny.</p>